



## **CONVOCATORIA FONDO SOLIDARIO E AXUDAS DE LIBROS**

Orde do 9 de maio de 2018 (DOG 21 de maio de 2018), pola que se regula a participación no fondo solidario de libros de texto e se convocan axudas para adquirir libros de texto e material escolar destinadas ao alumnado matriculado en educación primaria, ESO e educación especial en centros docentes sostidos con fondos públicos para o curso escolar 2018/19.

Poderán participar no **fondo solidario** os alumnos/as que cursen no ano académico 2018/19, **3º, 4º, 5º e 6º de E. Primaria** e nas axudas para adquirir **libros de textos**, o alumnado de **1º e 2º de Primaria**.

Tamén poderán solicitar axudas para a adquisición de **material escolar todos os alumnos/as de Primaria**, que a súa renda per cápita sexa igual ou inferior a **5.400 €**.

A documentación a presentar poden consultala no impreso de solicitude ( **Anexo I** ), que se lles proporcionará na **secretaría do Centro**, e tamén , na web da consellería [www.edu.xunta.gal/portal/fondolibros](http://www.edu.xunta.gal/portal/fondolibros) , na web do Centro [www.edu.xunta.gal/centros/ceipsantamariafonsagrada](http://www.edu.xunta.gal/centros/ceipsantamariafonsagrada) e na Sede Electrónica da Xunta de Galicia (<https://sede.xunta.gal>)

**Será imprescindible**, para ser beneficiario/a de libros procedentes do fondo solidario do centro ou de axudas para adquirir libros de texto, **que devolvan en bo estado os libros adquiridos coas axudas ou recibidos do fondo solidario, no curso 2017/18.**

**Exclúense desta obriga** os alumnos/as que están cursando **1º e 2º de Primaria**.

O prazo máximo para devolver os libros será o 22 de xuño de 2018.

Poden solicitar axuda para material independentemente da axuda de libros ou viceversa. Se algunha familia non desexa solicitar axuda para libros , pode solicitar axuda para material.

**A asignación de libros de texto que estean disponibles no fondo solidario do centro efectuarase, por orde inversa á renda per cápita da unidade familiar, ata que se esgoten as existencias. Polo tanto , aínda que se pasen nos baremos establecidos da renda, se sobran libros vanse adxudicar , sempre que haxa solicitudes.**

### **Lugar e prazo de presentación de solicitudes**

-As solicitudes (**Anexo I**), así como a documentación a presentar entregaranse nos centros docentes en que estea matriculado o alumno/a ou tamén a través da sede electrónica da Xunta de Galicia .

O prazo de presentación **rematará o día 22 de xuño de 2018**.

Os alumnos /as de 6º de Primaria entregarán as solicitudes no IES no que están admitidos.

**A solicitude será única para todos os fillos/as** admitidos no mesmo centro docente para o curso 2018/19, e nela especificarase o nivel de estudos que espera realizar cada un deles.

Presentarase orixinal e copia da documentación a fin de que a persoa que a reciba poida verificar a autenticidade da copia e devolva os orixinais.

## **Contía das axudas**

### **Alumnado de 1º e 2º de E. Primaria**

- Renda per cápita **igual ou inferior a 5.400 €** : 170 €
- Renda per cápita **igual ou inferior a 9.000 €** : 90 €
- Alumnado con **discapacidade igual ou superior ao 65 %** : 250 € con independencia da renda.

### **Fondo de libros (Alumnado de 3º,4º, 5º e 6º de E. Primaria)**

- Alumnado con renda per cápita familiar igual a 5.400 € : 6 libros de texto.
- Alumnado con renda per cápita familiar superior a 5.400 € e igual ou inferior a 9.000 € : 4 libros de texto.

### **Para todos os cursos de E. Primaria**

**Axudas para adquirir material escolar : 50 €** ( só para rendas per cápita igual ou inferior a 5.400 € )

### **Renda per cápita da unidade familiar**

Enténdese por renda per cápita familiar o resultado de dividir a renda da unidade familiar do **exercicio fiscal 2016** entre o número de membros computables.

Para os efectos do cálculo da renda per cápita computarán por dous os membros da unidade familiar (pai, nai, alumno e irmáns) cunha discapacidade igual ou superior ao 33% , ou a percepción dunha pensión da Seguridade Social por incapacidade permanente nos graos de total, absoluta ou grande invalidez, ou a equivalente de clases pasivas.

Nesta convocatoria, para os efectos de determinar a renda per cápita familiar, **terase en conta a situación persoal e familiar en 31 de decembro de 2016 e o exercicio fiscal 2016**. Non se terán en conta os fillos/as nados ou adoptados despois desta data.

A renda familiar obterase sumando as rendas de cada un dos membros computables da familia que obteñan ingresos. Sumaranse as casiñas 392 e 405 da declaración.

**No caso de non presentar declaración**, teranse en conta os ingresos de todos os membros computables da unidade familiar, de acordo cos datos tributarios facilitados pola Axencia Estatal de Administración Tributaria, durante o exercicio fiscal 2016.

### **Membros computables da unidade familiar**

Para os efectos previstos nesta orde, e con referencia á situación familiar en **31 de decembro de 2016**, considérase que conforman a unidade familiar:

- a) Os pais non separados legalmente e, se fora o caso, o titor ou persoa encargada da garda e protección do menor.
  - b) Os fillos/as menores de idade, con excepción dos emancipados.
  - c) Os fillos ou fillas maiores de idade con discapacidade física, psíquica ou sensorial ou incapacitados xudicialmente, suxeitos a patria potestade prorrogada ou rehabilitada.
  - d) Os fillos ou fillas solteiros menores de 25 anos e que convivan no domicilio familiar.
  - e) Os proxenitores separados legalmente ou divorciados con custodia compartida forman una unidade familiar cos fillos que teñen en común.
  - f) A persoa, que por novo matrimonio ou por convivencia en situación de unión de feito ou análoga, viva no domicilio familiar coa persoa proxenitora do/da alumno/a.
- Non terá a consideración de membro computable a persoa proxenitora que non conviva co alumnado nos casos de separación legal ou divorcio, agás no caso de custodia compartida.
  - No caso de falecemento dalgún dos proxenitores do alumno/a que convivisen con el, acreditarase a circunstancia mediante certificado de defunción.
  - Os casos de separación ou divorcio acreditaranse mediante sentenza xudicial ou convenio regulador onde conste a custodia do/a menor.

### **Prazo para a recollida dos vales e listaxes de solicitudes.**

Unha vez rematado o prazo de solicitudes o Centro fará pública, no taboleiro de anuncios e na súa páxina web, as listaxes de solicitudes admitidas, coa asignación dos libros correspondentes a cada alumno, así como as solicitudes denegadas, indicando a causa de exclusión.

Os vales correspondentes á axuda de libros do alumnado de 1º e 2º e os de material escolar de Primaria serán recollidos polos pais/nais no Centro dende o 22 de xuño ao 2 de xullo.

A entrega de libros procedente do fondo solidario farase en setembro.

Se teñen algunha dúbida prestarémoslles asesoramento no centro.

Saúdos

A Fonsagrada, 27 de maio de 2018

A Dirección